



Co-funded by the
Erasmus+ Programme
of the European Union



ՆԱԽԱԳԾԻ ԿՈՆՍՈՐՑԻՈՒՄԸ

ԷԿԱՄՊՈՒՄ նախագծին մասնակցում են հետևյալ հաստատությունները Հայաստանից և ԵՄ երկրներից

Հայաստանյան հաստատություններ

- ✦ Երևանի պետական համալսարան (ԵՊՀ), ծրագրի համակարգող
- ✦ Խ. Աբովյանի անվան հայկական պետական մանկավարժական համալսարան (ՀՊՄՀ),
- ✦ Մ. Հերացու անվան Երևանի պետական բժշկական համալսարան (ԵՊԲՀ)
- ✦ Հյուսիսային համալսարան (ՀՀ)
- ✦ ՀՀ ԳԱԱ Ինֆորմատիկայի և ավտոմատացման պրոբլեմների ինստիտուտ (ԳԱԱ ԻԱՊԻ)
- ✦ Մասնագիտական կրթության որակի ապահովման ազգային կենտրոն հիմնադրամ (ՈԱԱԿ)
- ✦ ՀՀ կրթության, գիտության, մշակույթի և սպորտի նախարարություն (ԿԳՄՄՆ)

Եվրոպական հաստատություններ

- ✦ Մադրիդի ինքնավար համալսարան (ՄԻՀ), Իսպանիա
- ✦ Լիսաբոնի համալսարան (ԼԻՍԲՕՀ), Պորտուգալիա
- ✦ Ջենովայի համալսարան (ՋԵՆՀԱՄ), Իտալիա
- ✦ Ստոկհոլմի թագավորական տեխնիկական ինստիտուտ (ԹՏԻ), Շվեդիա



eCAMPUS@ysu.am



www.eCAMPUS.am



Università di Genova



UAM
Universidad Autónoma de Madrid



Իմանալ ավելին

ԷԿԱՄՊՈՒՄ նախագծի վերաբերյալ լրացուցիչ տեղեկությունների համար կարող եք դիմել.

նախագծի համակարգող թիմ՝ **eCAMPUS@ysu.am**

նախագծի պաշտոնական կայքէջ՝ **www.eCAMPUS.am**

ԷԿԱՄՊՈՒՄ

ՍՈՑԻԱԼԱԿԱՆ ՀԵՌԱՎՈՐՈՒԹՅՈՒՆ
ՊԱՀՊԱՆՈՂ
ԵՎ ՆԵՐԱՌԱԿԱՆ ԿԱՄՊՈՒՍԱՅԻՆ
ԿՐԹՈՒԹՅԱՆ ԽԹԱՆՈՒՄԸ
ՀԱՅԱՍՏԱՆԻ ԲՈՒՀԵՐՈՒՄ



learn smarter

Համաֆինանսավորվել է Եվրոպական միության կողմից: Այնուամենայնիվ, արտահայտված տեսակետներն ու կարծիքները պատկանում են միայն հեղինակ(ներ)ին և անպայմանորեն չեն արտացոլում Եվրոպական միության կամ Եվրոպական կրթության և մշակույթի գործադիր գործակալության տեսակետները: Ոչ Եվրոպական միությունը, ոչ էլ դրամաշնորհ տրամադրող մարմինը պատասխանատվություն չեն կրում դրանց համար:

WWW.eCAMPUS.AM

ERASMUS+ Project # 101177299-eCAMPUS-EDU-2024-CBHE

ԻՆՉՈՒ ԷԼԿԱՄՊՈՒՄ

Այս նախագիծը նպատակաուղղված է առցանց և թվային կրթության որակին առնչվող խնդիրների լուծմանը, որը համընդհանուր է գործընկեր երկրների համար:

Էրազմուս+ ԷԼ-Կամպուսը Բարձրագույն կրթության ոլորտում կարողությունների զարգացմանն ուղղված՝ Եվրամիության կողմից ֆինանսավորվող քառամյա նախագիծ է, որի նպատակը Հայաստանի բարձրագույն կրթության համակարգում առցանց և թվային դասավանդման ու ուսուցման որակի բարելավումն է:

Նախագծի հիմնական երկարաժամկետ նպատակներն են՝

Հայաստանի բարձրագույն ուսումնական հաստատություններում (բուհ) առցանց դասավանդման, ուսումնառության և գնահատման (ԴՈԳ) որակի բարելավում ԵՄ «Թվային կրթության գործողությունների 2021-2027 թթ. պլանին» համահունչ: Այն ենթադրում է դասախոսական կազմի թվային կարողությունների և հմտությունների խթանում և առցանց ԴՈԳ-ի համար որակի ներքին ապահովման մեխանիզմների ներդրում:

Արտակարգ իրավիճակների պայմաններում իրականացվող հեռավար ուսուցումից անցում դեպի առավել նպատակային, ներգրավող և կայուն հետքովիդյան համալսարանական (կամպուսային) կրթություն: Նպատակն է ապահովել բարձրորակ թվային կրթություն, որը պատրաստ կլինի դիմակայելու հնարավոր ապագա մարտահրավերները՝ հուսալի թվային կրթության Էկո-համակարգի, համապատասխան կարգավորող մեխանիզմների, նորարարական կրթական պրակտիկաների և մոդելային ենթակառուցվածքների զարգացմամբ:

ՆԱԽԱԳԾԻ ԽՆԴԻՐՆԵՐԸ

Նախանշված նպատակներին հասնելու համար նախագիծը կենտրոնանալու է հետևյալ խնդիրների իրականացման վրա.

1. Դրանով կսահմանվեն և կկանոնակարգվեն ԴՈԳ կիրառող դասախոսական կազմի համար անհրաժեշտ կարողություններն ու հմտությունները, որոնք համահունչ են թվային կրթության գլոբալ միտումներին:

2. Թվային ԴՈԳ-ի ազգային հավաստագրային վերապատրաստման ծրագրի ստեղծում: Դասախոսների մանկավարժական կարողությունները և թվային ԴՈԳ մեթոդների կիրառման հմտությունները բարելավելու նպատակով ծրագրի շրջանակներում կիրականացվեն վերապատրաստումներ, ինչը կապահովի դասախոսների շարունակական մասնագիտական զարգացումը:

Վերապատրաստումների արդյունքում դասախոսներին կտրամադրվի համապատասխան հավաստագիր:

3. ՀՀ բուհական համակարգում թվային ԴՈԳ-ի որակի ներքին ապահովման համակարգի ստեղծում: Այս համակարգի ներդրումը կնպաստի առցանց կրթության որակի բարելավմանը, կմշակվեն չափանիշներ, այդ թվում՝ հստակ չափորոշիչներ, ընթացակարգեր և գործիքներ որակի գնահատման, ինքնավերլուծության և շարունակական բարելավման համար՝ համաձայն Եվրոպական բարձրագույն կրթության տարածքի (ԵԲԿԿ) թվային ԴՈԳ-ի որակի ապահովման (ՈԱ) չափանիշների:

4. Հայաստանի բուհերի համար Էլեկտրոնային ուսուցման մոլտիմեդիա հարթակների և խելացի լսարանների մոդելների հենանիշային չափորոշիչների մշակում: Այն կնպաստի արդյունավետ և ներառական ուսումնական միջավայրերի ձևավորմանը՝ խթանելով տեխնոլոգիապես հագեցած ուսուցման մոդելների ներդրումը, ինչը կապահովի թվային ուսուցման ռեսուրսների հասանելիություն բոլոր ուսանողների համար:

5. Հայաստանի բարձրագույն կրթության համակարգում մասնակի բեռնվածությամբ ուսուցումը կարգավորող ենթաօրենսդրական դաշտի, դասընթացներին առցանց գրանցման և ուսանողների առաջընթացի հաշվառման համընդհանուր Էլեկտրոնային հարթակի ստեղծում: Այս միջոցառումները կստեղծեն օրենսդրական և գործառնական հիմքեր՝ նպաստելով հայաստանյան բուհերում հեռակա ուսուցումից անցում կատարելու դեպի մասնակի բեռնվածությամբ ուսուցման ձևաչափին՝ ընդլայնելով ուսուցման հասանելիությունը, այդ թվում՝ հատուկ կարիքներ ունեցող ուսանողների համար:

ԱԿԿԱԿՎՈՂ ԱՐԴՅՈՒՆՔՆԵՐ

Նախագծի արդյունքները նշանակալի ազդեցություն կունենան ինչպես կոնսոցիոմի անդամ հաստատությունների, այնպես էլ ամբողջ կրթական համակարգի վրա ինստիտուցիոնալ, ազգային և տարածաշրջանային մակարդակներում:

Ինստիտուցիոնալ մակարդակում.

Նախագծի արդյունքում Հայաստանի բուհերի ավելի քան 120 դասախոս և վարչական աշխատակից ձեռք կբերեն թվային ԴՈԳ-ին, ինչպես նաև ՈԱ-ին ուղղված նոր հմտություններ և կարողություններ: Բացի այդ, կստեղծվի վերապատրաստման ազգային հավաստագրային ծրագիր՝ նախատեսված թվային ԴՈԳ կիրառող դասախոսական կազմի շարունակական մասնագիտական զարգացման համար: Կստեղծվի նաև տեխնոլոգիապես հագեցած 8 «խելացի լսարան»՝ հիբրիդային և խառը թվային ուսուցում կազմակերպելու նպատակով:

Ազգային մակարդակում.

Նախագիծը կնպաստի թվային ԴՈԳ-ի համար նախատեսված Թվային կարողությունների շրջանակի և Ազգային հավաստագրային ծրագրի ներդրմանը: Նախագծի շրջանակներում կվերանայվեն թվային ԴՈԳ-ի որակի ներքին ապահովման չափորոշիչները, կմշակվեն հենանիշային չափորոշիչներ Էլեկտրոնային ուսուցման մոլտիմեդիա հարթակների համար և կսահմանվեն դասընթացներին առցանց գրանցման և ուսանողների առաջընթացի հաշվառման համընդհանուր Էլեկտրոնային հարթակի ձևավորման պահանջները:

Եվրոպական մակարդակում.

Նախագիծը կնպաստի լավագույն փորձի փոխանակմանը, գործընկերային ուսուցմանը և շահառուների միջև համագործակցային կապերի ընդլայնմանը: Այս համագործակցությունը կապահովի երկարաժամկետ գործընկերային հարաբերություններ նախագծի ԵՄ անդամ հաստատությունների հետ, ինչը կնպաստի Հայաստանի բարձրագույն կրթության համակարգի ավելի խորը ինտեգրմանը Եվրոպական բարձրագույն կրթության տարածքին (ԵԲԿԿ):